



Број/ Број : 02/2-50-1-13-16/08

Сарајево/ Сарајево : 25.7.2008. године

ZAPISNIK

16. sjednice Komisije za vanjsku i trgovinsku politiku, carine, saobraćaj i komunikacije

Doma naroda

Parlamentarne skupštine Bosne i Hercegovine, održane 23.7.2008. godine

Sjednicu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH (u daljnjem tekstu: Komisija) sazvala je predsjedavajuća Komisije Alma Čolo.

Sjednici Komisije su, u svojstvu članova, prisustvovali: Alma Čolo, Dušanka Majkić, Adem Ibrahimpašić i Branko Zrno, te Nenad Pandurević, sekretar, i Dobrinka Savić, stručni saradnik u Komisiji. Opravdano su odsustvovali Slobodan Šaraba i Rudo Vidović.

Sjednici je, u svojstvu predlagača i izvjestioca, prisustvovala Bejta Ramović, šef Odsjeka za međunarodne finansije u Ministarstvu finansija i trezora BiH.

Sjednica Komisije počela je u 10,45 sati.

Nakon što je konstatirala da postoji kvorum, predsjedavajuća Komisije Alma Čolo za sjednicu je predložila sljedeći

DNEVNI RED

1. Usvajanje Zapisnika 15. sjednice Komisije;
2. Davanje saglasnosti za ratifikaciju Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Bank Austria Creditanstalt AG – Projekat izgradnje vodosnabdijevanja u općini Srbac;
3. Tekuća pitanja.

Predloženi dnevni red jednoglasno je usvojen.

Ad.1. Usvajanje Zapisnika 15. sjednice Komisije

Zapisnik je usvojen jednoglasno.

Ad.2. Davanje saglasnosti za ratifikaciju Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Bank Austria Creditanstalt AG – Projekat izgradnje vodosnabdijevanja u općini Srbac

U ime Ministarstva finansija i trezora BiH, uvodno obrazloženje dala je Bejta Ramović, šef Odsjeka za međunarodne finansije. Istakla je da ovaj sporazum prizilazi iz okvirnog Sporazuma o finansijskoj saradnji između Bosne i Hercegovine i Republike Austrije, kojim je Bosni i Hercegovini stavljeno na raspolaganje 25 miliona eura za infrastrukturne projekte. Sporazum sa Creditanstaltom vrijedan je 1,7 miliona eura, koji će biti iskorišteni za izgradnju sistema za vodosnabdijevanje u općini Srbac. Uslovi su maksimalno povoljni - bez kamate, dugi rok otplate koji počinje teći nakon završetka projekta, uz minimalne bankarske troškove (osiguranja, izdavanja garancije i upravljanja).

Na pitanje člana Komisije Adema Ibrahimpašića o kamati predviđenoj u slučaju kašnjenja u otplati kredita, gđa Ramović obrazložila je da se radi o uobičajenoj kamati i da je Bosna i Hercegovina garant te da Ministarstvo finansija i trezora BiH kao prioritet svih plaćanja ima vanjski dug. BiH sklapa supsidijarne sporazume s entitetom, koji dalje sklapa takav sporazum s općinom i na taj način se obaveza prenosi na zajmoprimca i vrši unutrašnje osiguranje kredita.

Nakon toga, članovi Komisije jednoglasno su odlučili predložiti Domu naroda davanje saglasnosti za ratifikaciju Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Bank Austria Creditanstalt AG – Projekat izgradnje vodosnabdijevanja u općini Srbac.

Ad.3. Tekuća pitanja

U okviru ove tačke nije bilo rasprave.

Sjednica Komisije završena je u 11 sati.

Sekretar Komisije
za vanjsku i trgovinsku politiku,
carine, saobraćaj i komunikacije
Nenad Pandurević

Predsjedavajuća Komisije
za vanjsku i trgovinsku politiku,
carine, saobraćaj i komunikacije
Alma Čolo